



T 3205/5232.83

17







Main body of faint, illegible text on the left page, organized in vertical columns.

Main body of faint, illegible text on the right page, organized in vertical columns.



青浦縣志

卷三  
十二

列女上

自范蔚宗傳列女後世因之然不盡以節稱其後烏頭綽楔之制益詳而茹荼集蓼之節益以衆青邑自萬歷以前旌者均屬於華亭上海不能爲之區別至萬歷以後乃可著於志然案牘殘闕有間已旌者或多遺佚而窮鄉僻土剪髮務面以終力不能表見於世亦莫有爲之闡發至百餘年後欲搜訪而無從者其草亡木卒聲名寂滅又當不少也若其姓氏可考者頗謂備紀無遺云

哈佛大學漢和  
圖書館珍藏印



漢

呂氏名榮由拳人吳許升妻升爲盜所害州捕得盜斷頭祭夫其後黃巾欲犯之不從見殺大風雷電賊懼而葬之太守糜豹爲塚於由拳郭里墟北

吳

陸鬱生鬱林太守績女以鬱林所生故名之年十三適同郡張溫弟白甫三月溫以選曹尚書暨豔事連及被廢白亦坐是遷謫遂死鬱生遭罹家難抗節自矢與白姊妹三人俱以節行爲時所重姚信表其蹈履水火志懷霜雪義心固于金石體信貫於神明苟非名爵曷由勸善詔褒爲

義姑

元

管道昇字仲姬小蒸人歸趙孟頫封吳興郡夫人神姿秀朗工詩善畫嘗手書金剛經數十卷分施諸名刹又奉詔書千文詔勅玉工裝以玉軸送秘書監裝池藏內府又進所畫墨竹及設色竹圖蒙賜內府上尊酒入覲中宮命寫梅題句稱旨詩云雪後瓊枝露霜間玉蕊寒前村留不得移入月中看卒於臨清途次年五十八孟頫傷之致書於中峯僧明本數番皆以道其哀感云  
任氏都水監仁發女孫至正中有楊姓者官於華亭因聘



焉其後北歸音耗遂絕將復受聘女剪髮泣曰奈何以一身而有二夫不許卒以女冠終

趙氏鄞縣處士陸燾妻至正間兩浙多事燾挈家避兵于瓢湖二十七年四月兵猝至燾偕趙氏行被刃陷淖中氏亦投淵時歌曰四月三日兵撓湖士女多被辱與驅殉節伊誰天水姝

明

謝氏泖西右族明初夫坐誅家亦籍沒婦給配象奴婦給奴曰待我祭亡夫奴信之遂攜酒飯至武定橋哭奠畢遂

賦詩自刎

倪妙貞漢成里人孫思聰妻幼敏慧父教以列女傳深知大義思聰歿妙貞年二十五哀毀骨立未幾父與弟相繼死長子益亦歿獨與母及幼子倣居母諷以少寡泣曰不殉夫死者以母老子幼耳脫更失節何以見夫於地下乎後倣成立人稱其節孝

俞淑安新江鄉任仕中妻年二十而寡遺女二歲男甫五月家貧無依所親諷之再適俞斷髮自誓撫孤成立後其女亦早寡有諷其改節者曰再嫁則俞氏宗祀誰奉之且辱我母寧饑死耳乃歸與母同居守志有可以聞詔旌所居曰雙節之門



陸蓮青龍茅瓊妻瓊死氏年十九二子震霆幼家貧晝夜紡績以養舅姑隣婦亦罕見其面宏治十四年旌

曹氏副使時中女孫莫後景妻年十四父母俱亡于莫氏撫之奉侍太姑經六年寢食與俱言笑不苟未成婚後景死女絕粒飲泣月餘亦死臨歿時但以父母未葬爲恨巡按何熊祥表其門曰閨秀奇節

楊氏黃鑿妻甫婚鑿亡姑鬪其年少無嗣令改適氏抱姑痛哭氣絕復甦守節終身正德間旌

徐氏祥澤人年十七歸楊鉞宏治中鉞以郡掾之官卒於逆旅氏方產姑妯恐傷其心秘不以聞氏覺之慟絕會所

產又不舉翁溥議立後氏堅辭撫其從子孫皆有恩而豫孫尤所鍾器十九發居至八十三而卒豫孫嘗謂氏於楊門爲壽母而未得旌言輒泣下沈愷志其墓

楊氏周雲鵠妻廣西提學思兼母少通文義其子讀書令從舅氏樞授經思兼登第後官湖廣按察副使雲鵠欲市楚木爲檣氏不從曰子爲憲臣如以遺體累其清白不濟此江也思兼在官時氏每引古人名節事以勗之

張氏湖廣巡撫楊豫孫妻善文墨豫孫爲中書舍人時徐階器重之每事咨訪世廟嘗夜夢饌饌二字曉起命內侍檢玉篇諸字書俱無之遍問閣臣徐階高拱等莫能對階



退語豫孫豫孫歸與氏語之氏曰吾觀道藏法海元珠有此二十餘字乃鬼來求食也急索觀其卷果得之明晨階捧元珠入對世廟大喜而不知其出於氏也豫孫撫楚卒于任致賄者一切以未亡人辭謝楚中縉紳莫不加敬而楊諸弟并孫等俱無所利意銜之既歸里直指以下遣使齎千金助葬楊氏諸弟求受此金又執不許并孫等恨入骨遂盜殺之

按事見五茸志逸又范濂據目鈔載楊并孫盜殺嫂張氏事甚詳

董氏章憲文妻憲文未遇時貧甚出爲童子師氏在家侍養舅姑四壁蕭然樵蘇不繼日夕治絰易米具堂上膳退以食諸兒女餘鑊底焦飯乃自食之舅嗜飲苦乏錢每日向晡卽呼新婦今晚且罷酒必應曰酒已溫矣密遣老媪賁之鄰家而次第以手紉償其直絕不令舅知也憲文後貴屢歎其賢

王氏何四妻琴村浜人嘉靖中爲倭所俘義不受辱遇害屍浮於河三日父母收其屍兩手猶緊握裙帶

張氏沈巷韓宏謨妻嘉靖中倭入境突至其家宏謨具衣冠迎之方欲勸以好生勿殺語未脫口刃已斷其脅矣婦號赴奔救俱死焉



陸氏婦七寶陸台蘭妻賊至出奔爲賊所逼投橋下死  
顧氏贈光祿少卿定芳女李賓陽妻歸三載賓陽歿越四  
月舉遺腹男泣曰先夫有子可死矣遂以遺孤托兄從禮  
絕粒而卒年二十一嘉靖中學道趙鏜知縣喻顯科旌其門  
李氏練塘人縣學生沈默妻歸三月默亡繼姑強之再適  
氏不從備加楚毒一夕沐浴取衣百結自縊於柩旁時隆  
慶二年六月六日也越宿而殮面如生遂合葬於曹墳之  
東

唐氏陳允正妻舉一子而允正歿逾年子復殤會翁懿德  
亦卒氏請於父自營生塋事竣忽沐浴更衣戒其女奴曰

吾困少憇命之出鍵戶書後事畢遂自縊啓篋中凡含殮  
旌襚歲月罔不預備衣帶間書夫婦同葬四字詔旌其門  
龔氏富欽妻欽歿守節撫孤嘉靖十七年其子詣京具疏  
詔旌其門後王雲煙妻吳氏撫孤守節於萬曆四十六年旌  
金氏葛鈿妻年二十鈿歿矢志撫孤始歿葬祭如禮里人  
上其事萬曆九年旌

沈氏四川布政使恩女歸諸生顧從仁年二十五從仁歿  
子九敘幼氏勤勞撫養至於成立時值倭變備歷播遷卒  
年五十學道耿旌其門

范氏縣學生徐伸妻年二十七伸歿子士衡甫四齡撫之



成立拮据茶苦四十六年萬歷四十八年旌

富氏楊承勳妻承勳歿守節五十一年萬歷時旌

姚氏舉人張德瑜妻年二十四德瑜亡既葬氏結廬墓側

終身不移知縣卓鈿表其居曰節婦萬歷間旌

唐氏小蒸沈繼美妻善琴工詩于歸後悉屏去惟理內職

善事舅姑姑病氏衣帶不解藥必親嘗進之妯娌失愛於

姑氏常曲為彌縫後病劇繼美之兄掠母所有而去姑怒

甚氏寬慰再四姑泣曰我感汝孝不能報但願他日子孫

婦事汝亦如汝之事我也卒年六十九

徐氏七寶陸猷妻年二十猷歿未及葬會倭掠七寶縱火

焚廬氏撫膺哀號欲投火死父掖止之乃收猷骸骨囊枕

中持之以行雖避難未嘗去手倭退歸葬守節終身崇禎

間旌

郁氏侯伯權妻妾孫氏俱唐行橫瀟人權早亡無子二氏

少寡截髮自誓示不改節撫權甥童烈為嗣烈子萬鍾萬

歷已酉舉人

錢福詩年少何堪喪藁砧持身不愧相舟吟金刀曾剪延賓髮黃卷常存教子心鏡裡孤

鸞無對影琴中別鶴有哀音佇看旌表門閭後同被天階寵渥深

楊氏縣學生李光初妻年二十五生子僅襁褓而光初亡

當蓋棺時斷一指投其中曰先割吾指示從夫於地下姑

留此身以撫孤耳及葬悲哀骨立絕食而亡知縣王思任



表其廬曰斷指奇節

金氏呂克忠妻嫁彌月克忠亡屢欲自經姑阻之不得死後歸母家守節與呂家僅隔一垣時時梯屋望夫柩而泣一日投地卒

陸娟陸潤玉女居廣富林少穎敏好書史善吟咏有索潤玉送行詩者值出外娟代作云津亭楊柳碧粼粼人立東風酒半酣萬點落花舟一葉載將春色過江南及歸馬龍事舅孝舅歿付以二女親同寢處者十年女既嫁始復夫室無出爲置妾生一子將卒以所作稿焚之曰非婦人事也

俞氏金澤人吳江許存仁繼妻未婚存仁歿氏年十九截髮毀容歸養舅姑恩撫前妻之子卒年六十有二崇禎十一年旌

黃氏縣學生黃軒女爲陳講養婦未婚講亡誓以死守孀居三十七年而歿

陳氏琴川沈槐妻未婚槐亡欲往奠父母阻之自縊而死楊雲芳修竹鄉人父時宜幼許字唐嘉會年十九未嫁夫亡女茹齋勵志誓不再適居三年父母憐其幼復爲議婚他氏委禽之夕扃戶自經死時萬歷四十一年十二月七日也與唐合窆于巖山墓生銀杏二枝皆連理大可合抱



今存

本朝順治十六年追旌

包氏御史節女孫王子長妻子長歿氏年二十四教子音成立後子媳復相繼歿居四十六年年七十卒墓在鍾賈山

周氏蔡應奎妻應奎坐徒死于驛家貧無倚姑欲奪其志抱女投河死

張善才漢成里金復妻復年二十三病亡善才誓不再嫁孝養舅姑撫六歲子壽成人歷五十餘年無渝節鄉族稱之

張氏海隅鄉人曹祺妻府庠生幼僑女也年十五適祺越四年祺歿子甫三歲含哀撫孤誓不再適奉舅姑生事死葬咸盡禮卒年八十有一

顧氏錢雲川妻雲川歿撫其孤子若珍及長爲娶婦謝氏若珍尋妖謝引節自殉顧長齋禮佛矢節以終鄉人顏其居曰冰玉菴

侯氏金機妻年二十而寡生子甫三月氏勤紡績教遺孤苦節五十載人共稱之

張氏潘蕩里人陳嗣陸妻嗣陸早歿氏年二十一舉遺腹子孝孝娶婦後亦妖氏與媳吳氏同撫孤孫濟良卒年八



陸氏潘蕩里人上海廩生陳無逸妻無逸死氏年二十三  
 子世蕃方襁褓紡績教養垂髫補縣學生尋復妖氏居孀  
 前後五十六年萬歷初知縣屠隆以並共姜賢同孟母旌之  
 鄒氏青龍何文祥妻年十六適文祥半載而寡有遺腹越  
 五月生氏口斷臍帶誓曰此生稍負所天有如此帶麤衣  
 糲食守節終身

張氏華亭人邵陽縣知縣軌端女年十九歸兵科給事中  
 陳子龍性端敏通書史事大母高安人繼姑唐宜人皆盡  
 孝道子龍既以盛名通籍為越中司李廉介自持氏勤儉

助理中外井井後子龍擢入諫垣旋遘甲申之變越明年

南都失守子龍沉淵死孤子嶷方四歲攜之以遁窺身山

谷間嶷長始還鄉里娶婦丁氏嶷早歿氏與丁同撫孫錫

璜及長娶婦張氏錫璜復天迨半載生遺腹男世貴三世

共撫之卒年八十有四

王滢三世苦節傳孺人張氏父邵陽知縣軌端母王氏生而端敏孝

敬夙成長通詩書史傳皆能舉其大義以及書算女紅之屬無不精嫻三黨奉為女師有弟五人莊事女兄如伯兄張公竒愛之而難其配奉議陳公有子少負竒才即大樽先生也張公一見大悅曰此當代偉人也非此子不克配我女遂許字焉年十九于歸時奉議公已歿大母高安人年高繼姑唐宜人久疾孺人初歸即秉家政上奉高安人晨昏得其懽心侍唐宜人疾手治湯藥積歲不倦中外稱其孝奉議公固儒家產不踰中人為郎以清節名歿後家益落先生性豪邁不問家人生產素喜賓客座上下恒滿孺人躬自操作鉅細井辦庚午先生登賢書兩上春官不第



詩酒之會倍盛於往時孺人常節縮衣食應之先生慷慨  
 好施孺人常先其意為之問遺親故高安人一女篤愛之  
 贅諸氏壻共宅而居奉議公以寡兄弟而勿忍也先生承  
 先志始終不替孺人承高安人歡敬愛有加撫其子如何  
 所生唐宜人生四女次第及笄孺人為設巾幌治奩其而  
 歸之丁丑先生成進士未歸而宜人卒孺人哀毀逾常含  
 歛之務綜理詳密靡不中禮高安人見之泣曰賴有孝婦  
 勿之有悔矣先生司李越州迎養安人於官安人輒念其  
 女不止數數往還孺人不忍違惟戒僕隸慎舟車問起居  
 相屬於道先生服官廉介厨傳蕭然孺人性儉而習勤安  
 之若素予從遊邸中侍先生讀書常至乙夜猶聞內庭紡  
 績聲御下慈而有紀侍婢不過一二供灑掃而已陳氏五  
 世一子旁無基功之屬孺人屢舉子女不育為置側室亦  
 不宜子乃自越遣人至吳納良家子某氏以歸甲申春先  
 生入諫垣攜家還里至冬始舉子先生時年三十有七喜  
 而名之曰嶷孺人乃自鞠之曰今而後可以慰大母心矣  
 是歲先生以越李考績勅封孺人臘月先生葬兩世之喪  
 禮成將為階隱之計越明年乙酉而南都之變作松郡兵  
 起舉室播越先生避地禾中孺人扶衰親抱幼子輾轉流  
 寓備嘗艱險安人老疾日篤將半載而歿丙戌冬乃歸治

葬先生為雲水遊孺人遠依諸弟于吳越間不常厥居以  
 是丁亥五月之變不及於難及聞先生殉節孺人誓以身  
 殉時子嶷方四齡諸弟羣勸慰之曰陳氏惟此子破巢完  
 卵此天意也今日之事保孤為重姊死孤兒寧得生乎孺  
 人見其言切乃止抱孤兒變姓氏毀容羸服遠避山野嶷  
 成立乃還先世田間已入縣官食不給孺人躬自紡織拮  
 据盡瘁營葬先生於祖墓為嶷娶于丁門人丁君產女也  
 舉子錫璜孺人且喜且悲曰夫子有孫矣孫生六歲而嶷  
 卒年僅二十有九孺人一慟幾絕謂丁婦曰此汝事也我  
 可以無生矣既而曰孫孤婦少我目未能瞑也於是共抱  
 持之如鞠嶷時錫璜稍長出就外傳孺人勉之以學曰母  
 墜前人之業居易以俟命可也早歲補博士弟子員娶于  
 張即孺人姪得一女也逾年婦有娠而錫璜卒年僅二十  
 有一孺人哭曰昔我不從夫子死者為有嶷也嶷死而我  
 不死者為有錫璜也今錫璜死我安能生乎丁婦泣請曰  
 婦有遺腹若幸生男是天不亡陳氏也孺人乃止半載而  
 曾孫生孺人喜曰我乃更生矣因使人問子當何名子憶  
 先生丁丑登第時方望舉子嘗鐫世貴名于齒錄請即以  
 名曾孫可乎孺人曰善孺人年八十子遺兒孫登堂介壽  
 曾孫年已三歲往來膝前宛若成人孺人為加觴焉歲在  
 青浦縣志 卷三十一 十一



癸酉仲春之吉孺人命從姪倬來知予有女孫同歲生請問名予額手曰此小子宿心也敬聞命矣乃告于先祠以女孫字世貴焉其夏孺人示微疾豫治襪衣綜理畢具乃日未亡人宜衰經以從夫子然先朝之命婦也命製冠帔如前典曰他日且殮衷素而加命服焉可也服成而寢疾每進藥孺人却之曰我之藥久矣命始得所歸耳何以藥為因屏飲食戒不復進拊二婦日勉之善視曾孫以成我志越數日疾革神明湛然時癸酉七月十三日也春秋八十有四歲婦丁氏孫錫璜婦張氏皆克以節世其家

楊氏趙屯浦沈九思妻年二十一九思亡誓以死守節所居事佛凡五十餘年

楊氏文學諸秉禮妻秉禮歿子鶴年僅二歲女一歲氏年二十一守節撫孤後鶴年為諸生博通經史皆氏所親授也知縣屠隆旌其門曰賢節卒年七十有三孫嗣鄂

本朝順治辛丑進士

本朝

姚氏朱漢章妻漢章販布外出值甲申兵亂客死臨清氏年二十七無子撫姪冕為子卒年六十一

張氏小蒸沈儒妻淑慎恭敬言笑不苟事舅姑以孝聞中外以禮年至百齡是年十二月卒

周氏薛奉泉妻孫氏鄭文光妻並年少有色居沈巷順治二年八月遇兵被掠乘間投河有援之者復自沉時謂雙

烈

卜氏任鄧村倪君誠妻順治二年五月盜起湖濱官兵至



鄉勦捕氏驚恐赴水兵投弓援之拒不接浮沉再三而歿時年四十君誠感其義終身不再娶

陸氏文學楊毓藻妻順治三年被兵劫入舟中氏抱子躍入水兵從後持其帶氏一手抱子一手解帶與子同溺死

曹氏沈廷棟妻順治十六年七月寇掠小蒸會廷棟他出氏抱三歲女走匿猝遇賊偏之登舟度不能脫抱女投谿

死越兩日寇退屍浮水上猶抱女不釋年二十有八田茂遇詩

亂深比舍逐輕舟尚有貞姬心事幽翠袖自憐紅粉盡冰肌甘向碧波浮珠簾夢斷鴛鴦夜繡閣魂歸菡萏秋千古瑟琶聽馬上相看能不媿清流荒荒秋草徧芳湖彷彿凌波洛女圖抱石心堅還抱子隨流苦節本隨夫清宵絡緯秋聲斷中野哀鴻月影孤彤管只今推婦德可能遺却沈姬無

鍾氏金璧妻劉氏金堦妻俱順治十八年 旌

陸氏嘉善陸九如女小蒸縣學生沈懋中妻懋中病瘵氏

奉湯藥四五年卒不起氏年二十九生三子皆殤以姪為

後事舅姑孝家甚窶凡喪葬婚娶悉取給十指歿七十有

八康熙四十五年知縣許昭來以節孝維風旌之

朱氏孫日障妻康熙二年日障歿氏年十九苦節四十餘

載歿年七十一

蔡氏縣學生蔡民常女年二十歸小蒸沈敬一生子懋官

敬一病亡氏以勤儉自勵懋官六齡就傅夜歸則自教之

迄於成立卒年五十二



陳氏新開涇張受甫妻康熙四年受甫歿歿前三日生一子氏苦節自矢撫孤至於成立卒年九十有二康熙四十五年署知縣許銍以松齡栢節旌其門

顧氏王學溢妻康熙四年學溢病歿氏年二十二無子遺一女遺腹又生女嗣子其相以痘殤翁姑亦相繼歿氏脫簪珥勤紡績以營窻長女適凌中敏次女歸陸某晚依凌氏以居多病常坐卧一樓年八十餘卒康熙五十六年知縣王溯維榜其廬曰節比松筠

董氏崧宅金魁妻魁歿氏年二十二無子矢志苦守署知府郭朝祚以清心玉映旌其廬

張氏縣學生張賓臣女小蒸沈時雨妻時雨病亡氏欲以身殉後舉遺腹衆以撫孤諫止之越十年孤復歿氏與伯時行妻陳氏相依守節康熙五年卒年四十二知縣魏球以善門雙節表其廬

陸氏名觀蓮別號兩鬢道人武塘父丹生妻也女名默字齋季小字墨姑俱有異才丹生嘗遊寓九峰間稱泖濱詩隱康熙六年知縣魏球聘修縣志將移家焉觀蓮以是夏六月卒於蔣湖之楊園吳江顧茂倫序其詩曰及氏閨隱集默性奇慧九歲能詩凡刺繡刀尺無不入妙習小楷摹畫李龍眠白描大士皆精絕年十六未字距母亡三日歿



董黃爲作爰山人少君女墨姑哀詠

施氏陳慈錫妻年二十二慈錫歿守節凡十年至康熙六年慈錫就窆後不食而亡

陸氏莊季焱妻年二十一季焱亡無子女依叔碩存以居康熙六年莊氏議立嗣子可貞請歸養氏喜曰生爲莊氏婦今得歸骨爲莊氏鬼幸矣歸甫一年而歿年六十

潘氏章練塘潘雲所女早喪父許配修竹卿沈義卿未嫁而義卿死氏奔喪拜見舅姑請留守節又請立嗣從之遂茹齋素勤紡績終身行不踰閭聲不出戶外康熙七年卒臨終呼嗣子邁曰吾兢兢三十六年所以報爾父者止此矣命薄不敢望 旌表但大書沈婦潘氏足矣事聞知縣魏球表其廬曰奇節全倫

沈氏海隅鄉胡元才妻康熙十一年元才亡氏年二十八撫二子成立歿年九十有三

何氏國學生何國棟女適縣學生朱曦康熙十二年曦歿氏年二十三撫五歲子培成立守節歷二十五年

袁氏胡香妻香歿殉節康熙十二年 旌

柯氏秀水學生雲岷女金澤陳錦詞妻年二十七錦詞亡遺孤洪範生甫八月姑病又篤氏密封肘肉煮藥以進昏仆地隣媪救之得甦歿年七十有八



王氏陳少湖妻年十九而寡止一女後嫁張姓依壻以居壻又早逝一甥女嫁于陳晚年遂依陳氏卒年八十有五袁氏陳洪綱妻年二十三洪綱歿遺子甫六月苦節訓孤歷三十年而卒

曹氏邵廷升妻守節六十年而歿

陸氏陳嘉謨繼妻嘉謨亡撫前妻子成立苦節五十年

施氏鄉飲賓元亮女適馬祖堯年二十三祖堯亡截髮自誓矢死不移子起徵後為縣學生

顧氏文學王三聘妻年二十七而寡無子矢節不移居東余墓側年八十餘卒

施氏陳于國妻年十八而寡撫孤姪慈錫為于國後年七十餘卒

胡氏三貞母者胡體仁妻陳氏妾顧氏倪氏也居金澤體仁歿顧氏子闇甫四齡三母俱少艾守節子闇以孝稱有

雋才亦早卒錢士升胡氏三貞母詩籍甚聞中秀芳年矢柏舟三遷隣俎豆一子紹箕裘烏鵲詩堪繼青松節並留鼎全真絕世女史耀千秋

二姚氏文學姚暹妹一適雷鳴時一適沈晨沈氏陸國輔妻趙氏陸慶明妻程氏汪聯英妻姚氏朱天球妻俱以節

著

劉氏任守仁妻守節撫孫壽至百歲



諸氏陸希贊妻年二十六而寡二子士雋士彥皆在襁褓  
長齋繡佛六十餘年卒年九十有一

李氏沈大禮繼妻大禮早卒子季文方七歲氏上事姑嫜  
下撫孤子黽勉五十餘年季文妻王氏亦早寡婦姑雙節  
閭里稱之

沈氏雷天聲妻工詩有詩集曰焚餘草

顧氏名步字佩微徐晉庭妻著有絮愁集

陸氏縣學生屠秉綸妻陸慶臻女幼嫻書史年十九秉綸  
亡遂不茹葷嗣子文漪妻縣學生以詩文著氏年五十餘  
歿知縣霍輔漢有節凜冰霜御史李紹聞有懷清嗣美額

表其廬

周氏女許字張駟子夫早歿女聞逕造柩前投髮火中誓  
以死守

馬氏字全貞縣學生宗潛女許字婁縣夏士融士融病危

將易簀女聞先自經士融卽于是日歿郝詩未親夫

常綱常女子行白髮尚難全晚節青年那肯喪春光名垂天壤  
乾坤老聲落人間草木香吾淚豈能容易灑為他千古立

吳氏姚子凡妻子凡歿守節三十四年卒年五十四

周氏雙塔金兆龍妻兆龍歿氏年二十一無子歸依母家

後其妹陶烈婦殉節氏遂薙髮誓死撫弟之子某為嗣因



里王原書其事

周氏朱家橋周君實女年十八適雙塔陶尚象越二年尚

象歿氏以六月孤希昌囑伯氏撫之拜辭舅姑絕粒而死

距夫歿二十二日耳學道田雯有形史流芳知府魯超有

巾幗首陽教諭周肇有勁節凌霜各扁額

王原陶烈婦傳嘗觀五代之際

達官貴人朝遊梁廷暮踐唐室視其主如郵吏視其身如

傳舍求忠貞不二心之臣不一二觀歐陽子作五代史深

著譏貶於王凝妻李氏節烈之事獨津津焉蓋傷之也原

國家庠序之設教養髦士處則厲廉隅以善俗出則仗節

義以維世期之甚重且遠若婦人女子守身之諒至微末

不足道而古之君子往往反覆稱道不置如此其意蓋可

知矣若青浦陶烈婦之死至性毅決此亦勇之過者然而

厲世磨鈍君子于此必有取焉烈婦周氏女年十八適陶

生尚象二年生病死烈婦憑棺哀慟誓志下從遂絕食死

死之日病不能興命婢具匱盥沐手浴體更新衣與舅姑

訣以六月孤屬諸伯叔氏言訖而瞑不及私語夫死殯匱

於室虛其右自待至是果並殯康熙十八年三月戊戌也

距生之死二十有一日嗚呼死生之際大矣若烈婦者雖

喪所天遺孤在抱可以不死而決于自裁堅不可解豈其

億父母舅姑之終將奪其志與抑有見于信命之所在必

以下從為正與亦或以盛年苦節有不自保之慮而早決

與吾邑先達之士多立忠節邇者士氣稍微如烈婦者固

志士之所宜引以自厲也予故表而出之 又書陶烈婦

傳後陶烈婦之死其夫余論之詳矣既金蘭自雙塔得所

未聞來諭不可以無述也金蘭曰周氏有女兄適金兆龍

康熙十四年二月夫亡女兄時年二十一無子歸于周歷

四寒暑矣感周氏之義烈乃薙髮茹素抱其弟某之子為

嗣之死矢靡他周氏于是有雙節焉嗚呼周氏以死殉而

門內敦貞行者捷如機牙信如響擊彼含齒戴髮視息人

間而死不能為周氏生復愧其

女兄者獨何心哉獨何心哉

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳

傳



悼成疾而亡壻家哀其志迎柩合葬余山

方氏崧塘方瑞平女縣學生沈士約聘妻士約歿氏聞欲往父母止之乃築靜室於東偏長齋奉佛持身嚴峻性好施歲祲則施衣食又於渡口創石梁建崧浦涼亭以惠行旅歲時數遣婢僕饋問翁姑迨歿喪葬盡禮卒年七十二  
康熙二十三年 旌

金氏張涇塘莊宗如妻康熙二十三年宗如歿氏年二十九遺一女茹貧守節歿年九十餘嗣子懿章亦早卒

王氏海隅鄉周九賢妻康熙二十三年九賢歿氏年二十七撫三子成立海防同知金表其廬歿年八十有八

陸氏澱山管俊卿妻乾隆二十三年氏年十六于歸甫五月俊卿歿舅姑父母俱以年少欲嫁之氏堅執不從辛勤紡績舅姑歿營葬澱山西隅以其夫祔焉歿年八十有六  
曹氏陳藻開妻藻開歿氏年二十七遺二子長則高方三歲次則京方四月氏撫孤苦守冬衣敗絮夏無完帷以針黹自給二子長爲就外傳康熙二十三年 旌卒年七十有二

沈氏海隅鄉朱文玉妻康熙二十七年文玉歿氏年二十七矢志不嫁撫孤有成歿年七十有四

王氏陳又篁妻康熙二十七年又篁歿無子撫姪爲嗣卒



年七十有七

沈氏沈巷顧質華聘妻質華歿氏號泣請父母縞素歸顧

門寢於天樞之旁者十餘年康熙二十九年卒年二十有

九王心輓詩皎皎名門女希馮曾委禽王樓徵賦手繡閣

情深聞計衣如雪來歸殉所天舅姑驚異節冰蘖度芳

顧姒字啓姬工吟詠書翰尤精仁和鄂曾妻縣丞之繡女

姒隨父之任曾由是為青谿寓公姒詩篇甚富嘗與武林

林以寧曹鑑冰諸名媛為澱濱詩會曾所如不偶姒知而

安之晚年與夫閉門酬和以忘其貧在京師有花憐昨夜

雨茶憶故山泉句極為宋犛諸人所賞臨終以詩集命子

林昂乞序於給事中王原原序之以寧字亞清錢塘人往

史錢肇修妻著有墨莊詩鈔蕉園詩集尋歸故里鑑冰為

千山曹重之女適七寶張殷六能詩畫原稱其有朱淑真

管夫人之風所著清閨小草亦原作題辭

按學庵稿清閨小草序中兼稱顧林二媛且云三夫

人胥浙材而為青谿所有何其奇也今引流寓之例

載入列女

裘氏北亭鄉陸天祐妻康熙二十九年天祐歿氏年三十

撫孤成人年七十餘卒

顧氏修竹鄉顧元培女岑錦江妻錦江歿氏年二十遺腹



生一男撫之成立

強氏朱坊僑孟新芝妻氏年十四歸于孟新芝早卒無子氏年二十四生一女撫從姪敬承爲嗣以紡織自給歿年八十有七

戴氏姚陸遴妻康熙三十五年陸遴歿氏年僅十九矢志守貞歷五十七年卒年七十有七

尤氏孫鈞妻年二十三而寡孝翁姑撫遺腹男嗣洽成人又爲經營窀窆兩世以安

呂氏郊店費文淵妻明工部郎中克孝曾孫女文淵有瘋疾疾發稍不如意捶辱及之民事之益謹康熙三十三年

文淵試不售發憤嘔血卒氏痛夫勤學賁志亦自縊年二十有一

陳氏婁縣陳章甫女縣學生薛張錦繼妻康熙三十四年張錦病歿越三十五日氏自經於房以救不得死又五日乘間自刎年二十知縣王允玫有奇節範世額旌其門駱氏邑人胡鳴球妻鳴球館給事中王原家苦志力學得咯血疾康熙三十五年卒氏年二十七辛苦操作撫孤承緒先後三十餘年歿年六十有二

張氏白鶴江楊廷尊妻康熙三十五年廷尊歿無子氏年二十九以姪天德爲子撫之至於婚娶其後子婦復相繼



死氏撫五歲孫錦成立歿年七十有八

馬氏新開涇陳蒼來妻康熙三十五年蒼來歿氏年二十

三矢志不嫁二子佑宸南英佑宸妻凌氏及其子萬占妻

呂氏皆以夫亡守節萬占無子撫南英孫為嗣三世貞婦

出自農家聞者異之

曹氏薛山陸趾佳妻康熙三十七年趾佳歿氏年二十九

撫三齡子孝思成立年六十餘歿

奚氏襄臣橋吳達三妻康熙三十七年達三歿氏年二十

四撫孤矢節卒年七十有五

陳氏謝莊尤清環妻康熙三十九年清環歿氏年二十五

無子嗣子昌亦早夭遺孫氏躬撫之勤苦以終年七十有三

十有三

程氏陳昭遠妻康熙三十九年昭遠亡氏年二十九孀居

至八十五歲歿

金氏修竹鄉薛士進妻康熙四十年士進亡氏年二十四

生遺腹子孝瞻撫之成立娶董氏未幾孝瞻歿董氏年二

十五亦生遺腹子能久姑婦共撫之兩發鞠一嬰兒殘燈

破屋中熒熒相對兩世不絕如縷見者莫不酸鼻金歿年

七十董歿年五十六

潘氏海隅鄉潘君美女薛炳生妻康熙四十年炳生歿氏



年二十三守節四十四年而卒

朱氏諸學海妻年二十三而寡遺腹生男又殤撫姪憲章為嗣既娶亦天氏拮据荼苦至七十餘口而歿

蕭氏珠街鎮高震妻康熙四十二年震歿氏撫孤成立歷五十餘年歿年八十

朱氏孔涇倪宏勳妻康熙四十二年宏勳歿氏撫孤以守歿年七十有七

吳氏王元佐妻康熙四十四年元佐以築堰溺水死氏年二十三誓不再嫁歿七十有二

俞氏橫涇陸聖祥妻康熙四十四年聖祥歿氏年二十二

撫四歲子成立歿年八十有一

呂氏監生汪士權妻幼知書事姑盡孝康熙四十四年士權歿氏年二十六撫二子成人既娶婦亦早世氏復撫二孫以延宗祀歿年五十有七

吳氏吳巷葉炳龍妻康熙四十四年炳龍歿氏年二十九撫九齡孤子子芳成立為娶婦周氏子芳旋夭孫榮先尚幼氏與媳共撫之後娶王氏生子啓宗未幾榮先又天一門三節鄉人咸哀其遇吳氏歿年七十有四周氏歿年五十有三惟王氏尚存

黃氏黃珂女年十八適孫日捷甫三載日捷以疾不起氏



哀慟絕粒五晝夜親黨勸諭再三強起撫孤家貧率一僮  
一婢日紡木棉供姑甘旨子鏞方二齡教養成立後補縣  
學生氏年六十有七卒康熙四十五年 旌

程氏珠街鎮高西園妻康熙四十七年西園歿氏年二十  
七孝舅姑皈依釋典茹素終身歿年七十有六

葉氏沅州府同知葉椒遠女年十七適淮南知縣胡士麟  
子永祺康熙四十八年永祺歿氏年二十六遺孤早殤以  
姪夢梅爲後延師訓學補金山衛學生年七十有三卒

金氏莊世裕妻世裕病亡子光被生甫八月氏矢志撫孤  
迄於婚娶後光被補縣學生陳母苦節學政張 有孟  
訓齊芳額表之康熙四十八年 旌

唐氏新江鄉葉舒遠妻康熙四十九年舒遠病亡無子氏  
年二十五守節三十七年而歿

蔣氏蔣御章女年十九適湯祝三康熙五十年祝三歿氏  
年二十五守節撫孤歿年九十子兆熊縣學生

鄭氏雙塔葉惠生妻康熙五十年惠生病歿氏上侍舅姑  
下撫遺腹兒至七十餘而卒

王氏縣學生胡介祺妻康熙五十一年介祺歿氏年二十



八子生甫六月氏撫之成立守節凡三十六年

楊氏附貢生孫溥側室康熙五十二年溥歿氏年二十九無子守節終身歿年八十

黃氏青山港陸洙妻康熙五十二年洙歿氏年二十七無子撫姪爲嗣署知縣許逢元以節孝垂芳額獎之歿年九十有一

陳氏朱家村胡允臣妻康熙五十四年允臣歿氏年二十六撫孤成立歿年八十有三

孫氏縣學生孫載禮女年二十適方存仁婚後六月存仁歿刻苦自矢歷久不渝歿年五十有四

李氏修竹鄉馬如一妻康熙五十六年如一歿氏年二十九孝事翁姑撫遺腹子成立歿年八十有一

宋氏茶菴張大章妻康熙五十七年大章歿氏年二十無子嗣子及壯而歿嗣孫亦早亡哀痛以終年五十有一

陳氏新江鄉顧倫妻康熙五十七年倫歿氏年二十生遺腹男撫之至於成立取隣女爲媳未幾子遭廢疾氏與媳藉紡績以餬口歿年八十有四

胡氏小蒸監生曹建瀛妻康熙五十八年建瀛亡氏年二十八撫孤守節歷四十餘年而歿

陳氏曹永康妻康熙五十八年永康歿氏年二十矢志不



嫁孀居六十三年

朱氏徐國賓妻康熙五十八年國賓歿氏年二十四撫一子二女以守其伯父欲令改適氏聞十年不歸省家有井隣人常來汲水氏因掩之未幾子歿與壻女同居歿年七十

馮氏張口觀妻年二十四婆居歿年八十有四

蔣氏蟠龍塘陳恒濤妻康熙五十九年恒濤歿氏年二十遺腹生一女兄子浩嗣甫及期氏卽撫之與所生女同乳哺焉晚年家益貧憂勞成疾歿年六十有二

張氏黃渡錢義傳妻義傳歿氏年二十五矢志守節康熙

六十年旌子鏡明縣學廩生有文名

朱氏婁縣學生方光耿妻康熙六十年光耿歿氏年二十九撫嗣子明藻成立歿年六十明藻縣學生

趙氏華紹周妻康熙六十年紹周病亡氏年二十六遺腹生子文德撫育教養迄於成立歿年七十有四文德縣學生

趙氏縣學生王詩妻未婚守節

朱氏胡聖臣妻康熙四十四年聖臣歿氏年二十四遺一子未週歲苦志撫孤勤紡自食有欲奪其志者絕粒誓死親戚勸止年八十而歿



青浦縣志 卷三  
十三

列女 中

顧英字若憲亦號蘭谷長洲人少慧父安愛之安邁疾英焚香誦經徹晝夜不倦疾革剗其臂糜湯以進逮母疾再剗之其篤孝如此顧本素封園林賓客以豪侈相尚英年十九歸于張之瑱屏繁飾椎髻練裙凡酒醬醯醢必躬飭而後獻姑喜曰此真吾家婦也後數年舅德純罷常山令逋帑數千金英傾嫁時貲以償之之瑱爲印江縣知縣以舊事牽連禍不測英遣子鳳孫詣

闕請代且營贖緩乃得釋連年多故家道益落或亭午爨



烟闌然英脫簪典衣爲翁姑進膳雪後凝沍與新婦女孫  
三世共擁一絮抱一火甕了不聞嗟嘆聲也子鳳孫舉博  
學鴻詞未第兩中副榜授貴州貴定縣知縣人或惜之英  
曰人生通塞自有定命且受恩如負債亦非佳事也英喜  
讀書尤熟於史事工詩古文詞著有挹翠閣詩詞年六十  
二終貴陽官舍

陸鳳池字元宵自號秀林山人惠潮兵備道陸振芬之女  
少授詩經四子書及長熟離騷歸曹一士嘗私語曰余愛  
楚辭恐此生亦當不得意也詩詞皆有風致尤工於刺繡  
年三十二病亟語一士曰箱中存博古圖衫一針一線皆

我心血他日以示兩女殘稿數十幅在西房几上善藏之  
如見我也既卒一士料檢所作都爲一卷名梯仙閣餘課  
陳瑛字蘊輝通判陳潤之女善琴能詩幼侍祖母遊天台  
普陀諸名勝頗得江山之助年二十適婁縣學生楊超  
四年而寡家貧上事老姑下撫遺子生計所需悉從十指  
出積勞成疾卒年三十四著有恕齋吟稿又有覆盆草者  
則孀居後悲悼之詞也皆不存

張氏名佛繡行人梁幼女少從父學琴嘗奏洞天舞鶴之  
曲忽有雙鶴自空中來飛鳴應節人咸異之梁素耽慈氏  
法佛繡亦誦金剛經萬遍爲親祈福年二十歸金山姚惟



邁姚本名家子有肺疾時時卧牀茶烟藥裹間相唱和亦相惜也少暇披文史手錄漢魏唐人詩花前月底復與小姑輩分題拈韻人望如仙然夫婦詩皆蕉萃婉篤優柔薄媚所謂其境過清不可久留者年三十三以病卒惟邁輯其職思居鈔二卷梓以傳世未幾惟邁亦歿

陸氏葉庫村陶聖美妻年二十六而寡無子孀居歷三十八年歿

楊氏葉庫村陶聖祥妻年二十二而寡撫嗣子成立歿年六十

張氏金澤王康侯妻康侯歿氏年二十五子明表甫八歲

家貧盡鬻奩具以養之娶婦魯氏不二年明表夭無子氏擇姪孫家駒爲明表後偕魯氏共矢苦節歿年七十

趙氏海蟾灣人蔣勗芳妻康熙四十六年夫亡氏年二十八歲痛舅乏嗣勸娶妾生叔躍舅姑歿叔甫六歲氏佐庶姑營喪葬無失禮妾歿撫叔成邑諸生叔生子爭先嗣勗芳後亦爲邑諸生年七十四終乾隆四十七年學政彭元瑞給兩世憶言扁表其廬

王氏縣學生友元女許字諸翟侯世仍世仍天姿敏慧能文章隨父讀書于青浦暴亡氏聞嗚咽不敢哭遂蓬垢處一室不問戶外事父母憐其年少委曲諭令改字氏立志



益堅年六十餘歿于家合葬世仍墓立姪永暉為嗣  
楊氏珠街鎮薛繼先聘妻繼先歿氏矢志不移奔喪守節  
家貧不能自存乃依夫姊吳薛氏紡木棉以自給每夜寒  
漏盡風雪盈戶隣壁猶聞紡績聲積二十餘年而歿

張氏明南安知府弼九世孫女小蒸金景山聘妻幼喪父  
母歸于金未婚景山死氏莊而少容景山將死指告母曰  
若非吾耦兒死必嫁之氏大慟或以不見答為辭曰我知  
夫死婦守而已若必強我請即死先是景山之祖母郁氏  
年二十一而寡母張氏二十而寡氏復以未婚守志三世  
居孀聞者哀之是年姑歿又八年太姑歿氏日夜紡織足

不踰閭既為營葬三世又自封生壙及歿因耐葬焉

錢氏嘉定戚家村人幼許字陸浩浩歿矢志守貞奔喪不  
返撫嗣子成立卒年六十七學政張廷璐以霜嚴玉潔旌  
其門

馮氏名七姑縣學生馮玠女年十四許字陳稚圭稚圭赴  
都不返氏矢志守貞凡六十三年知縣萬方極表其廬曰

閨閣完人

姚氏縣學生王煒聘妻煒亡氏年二十聞訃即請往視殮  
遂留守志年四十三而歿

錢氏洋涇李賢書妻守節撫孤知縣張繼詠有勁節可風



額以獎之歿年七十有一

胡氏西莊村顧時中妻年二十守節歿年八十有九

陸氏洋涇李敬則妻敬則歿氏年二十遺腹生男撫養之  
迄於婚娶後子婦相繼亡氏又撫兩孫紡績自給歿年七十有八

陳氏蔡廷棟妻年二十五孀居矢志歿年七十有五

蔣氏金澤邱尚珍妻尚珍歿氏年二十二遺孤尚幼苦節  
終身歿年七十

何氏珠街鎮倪壽天妻年二十一壽天歿無子歸依兄嫂  
以居明年兄嫂歿氏撫兄子至于成立乃營葬夫兼自營

生壙歿年七十

吳氏橫涇陸士鳳妻雍正元年士鳳歿氏年二十九歲遺  
三女有田二畝不供餽粥氏取給十指辛勤搯作舅姑歿  
爲營喪葬并葬其夫又置田以供祭掃嗣子多病撫之成  
立歿年七十有三

王氏白鶴江李王烈妻雍正元年王烈歿氏年二十九無  
子以節自誓事舅姑生死咸盡禮歷五十八年而歿

葉氏汪洋蔣旭生妻雍正元年旭生歿遺二子長甫三齡  
次生僅三日氏奉姑撫子紡織度日歿年五十八

朱氏天聖莊施惠臨妻雍正二年惠臨歿無子撫姪元當



爲嗣元常早卒氏又撫孤孫瑞奇前後辛勤五十三載歿年七十五

程氏珠街鎮唐潤川妻雍正二年潤川歿氏年二十四家貧二鬴不繼苦志撫孤歿年五十五

方氏監生諸宏詵繼妻年二十四寡矢志守節動必以禮歿年七十一雍正三年旌

葛氏縣學廩生諸原仁妻婚匝月原仁歿氏年十八撫嗣子守節不渝歿年六十有六雍正三年旌子自英府學生

徐氏府學生孫鍵妻年二十三守節雍正三年旌

王氏縣學生陳葵妻雍正三年旌

陳氏蔡琛妻婚後三月琛卒氏年二十二守節婺居上事舅姑下撫嗣子光佑動循禮法歿年七十有六

蔡氏監生孫霽繼妻霽歿氏年二十九撫前妻子如己出訓子蘭枝爲名諸生歿年五十有七

沈氏袁家柱妻雍正三年家柱歿無子氏紡織奉翁姑撫嗣子經營喪葬無缺禮歿年五十二

張氏錢莊楊君信妻雍正三年君信歿遺孤甫三月氏上奉衰翁下育遺嬰歿年七十五

蔡氏謝莊尤大本妻婚一載而寡時年十九哀泣不欲生



翁姑諭止之乃撫姪爲後教之成立守節三十二年歿  
屠氏縣學生王泌妻泌病亡氏年二十一無子歸母家守  
節以歿

沈氏珠街鎮金祖吳妻年二十四寡嗣子士容家貧不能  
就傅常自教之翁姑歿喪葬如禮士容縣學生

邵氏蔡維均妻婚二載維均歿氏年二十一守志不渝事  
嗣祖姑與姑盡孝撫九月孤宏綸成立雍正四年 旌

吳氏府學生孫起龍妻年二十七守節雍正四年 旌

張氏縣學生方大謨妻大謨死氏年二十八撫孤成立歿  
年六十四雍正四年 旌

郁氏縣學生莊思安妻夏氏縣學生楊學榮妻楊氏高維  
岳妻徐氏賈期生妻王氏陸承妻王氏沈巖伯妻俱福泉  
分縣人雍正四年 旌

陳氏海隅鄉顧珽妻雍正四年珽歿無子氏年二十七貧  
無一椽之庇依族人丙舍以居歿年七十有一

蔣氏海隅鄉李緝謚妻年二十一而寡撫姪煌爲子教之  
讀書自力紡績以餘資爲窀穸費知縣洪亮采表其廬曰  
貞操炳耀雍正五年 旌

徐氏虞掌綸妻吳氏朱之琮妻俱于雍正五年 旌

陳氏幼許字許紹勳未婚夫死氏年十六獨扃小樓三十



年非正事足不輕下夫弟生子氏撫之爲後及娶婦始下樓居歿年八十一雍正五年旌

顏氏張文輝妻文輝亡自縊者再以救免仍絕粒八日死

雍正五年旌

趙氏縣學生李藩妻藩歿氏年二十四守志不易歿年七十有六

胡氏艾祁程棟宇側室棟宇亡氏年十九矢志守節事姑盡孝姑老而瞽每食輒口含以哺又朝夕舐之目漸明嘗背患瘡氏不避腥穢親爲吮血及歿喪葬無失禮撫襁褓孤子處厚成立卒年七十一教諭王希伊立崑玉舍輝額

俞氏縣學生蔡玠妻雍正五年玠歿氏年二十一苦節自矢撫孤有成

趙氏白鶴江錢祿壽妻雍正五年祿壽死氏年二十九孀居苦節饑寒不易志歿年七十九

倪氏錢明福妻沈氏陳念昇妻俱雍正六年旌

戴氏張德心妻高氏張德軫妻兄弟俱早逝兩氏孀居人稱一門雙節雍正六年旌德心子武書孫朝紳霄皆縣學生

章氏尤浜張修玉妻雍正六年修玉歿氏年二十七遺一子苦節撫孤歿年五十七



唐氏曹敬臣妻雍正六年敬臣以仇死氏年二十四遺腹生男旋夭以姪爲嗣歿年五十二

虞氏修竹鄉陳君彩妻年二十九守節歿年八十二

朱氏徐爾德妻陳氏徐懋初妻雍正七年旌

陳氏珠街鎮顧君先妻雍正七年君先歿氏年十八生遺腹子琮撫之成立歿年六十二

蔡氏張聖來妻聖來歿氏年二十九孀居守節年六十餘卒

張氏幼許字字天章未婚而歿氏年十八聞訃絕粒其母慰諭之乃食後聞有欲議婚者復絕粒吞二錢求死家人

廉知之許其守志遂之李家以姪爲嗣雍正八年旌

許氏給事中許譽卿女孫幼字顧在觀子其光未婚而殤氏銜哀矢志後聞其光兄生子卽歸立爲嗣後翁姑暨伯兄夫婦相繼歿嗣子又殤氏依其兄妾金氏同居歿年六十有四氏與李天章妻張氏同時守節皆被旌給事中王原爲作青谿二貞女傳

吳氏蔡綱宜妻綱宜歿無子貧乏不能自存歸母家獨居守節三十年而歿

楊氏貢生諸原儉側室雍正八年原儉歿氏年二十八矢志不移歿年七十有七



葉氏南城縣知縣葉重熙女縣學生胡夢梅妻雍正八年  
夢梅歿氏年二十五以死自誓姑病割股以療嗣子殤復  
以姪象潢爲嗣象潢縣學生

孫氏修竹鄉薛廷巖妻廷巖歿氏矢志守節歷二十四載  
歿年五十四

許氏澱山胡雲客妻雲客歿無子氏年二十八舅老病奉  
事惟謹撫嗣子成立歿年七十八

曹氏查蘊生妻雍正九年 旌

王氏半山村談天祿妻雍正九年 旌

陳氏白鶴江范元秀妻年二十五元秀歿無子氏奉養舅

姑紡績以供菽水時稱其孝

李氏陸廷試妻雍正九年廷試歿無子氏年二十歸母家  
守節以終

屈氏修竹鄉丁漢初妻漢初歿氏年二十六遺一子甫二  
歲苦節撫孤終身足不出戶歿年七十有八

徐氏黃培元妻培元歿遺男女各一氏年二十閱八載子  
復以痘殤孛居三十餘年始終如一歿年五十

翁氏錢雲洲妻雲洲歿氏年二十七撫孤子大成矢志不  
二守節三十一年

許氏縣學生蔡澄川側室澄川病亡氏年二十九守節盡



禮撫子後爲縣庠生

張氏莊瞻士妻瞻士亡無子氏依孀姊張氏以居紡績苦  
守歿年六十三

蔣氏新江鄉徐思曾妻師曾亡氏年二十七撫孤子湘成  
立歿年六十九

王氏徐宏緒妻夫亡事舅姑盡孝撫孤成立雍正十一年  
旌

王氏小蒸王漢章女金成天聘妻年十八未嫁夫亡氏知  
姑老無人奉侍力請於父歸金事姑盡孝六年姑歿喪葬  
畢仍居父家父窶甚氏以十指供菽水自食雜以糠粃歷

二十年如一日也父歿後又十七年卒年六十一

錢氏施觀妻觀亡氏年二十四自誓守志雍正十一年  
旌

葉氏蘇惠生妻惠生歿氏以身投火中家人急救得不死  
至是粒飲俱絕越七日而終雍正十一年 旌

蔡氏陳恪屏妻恪屏歿氏年二十六撫六齡子御天成立  
茹齋衣布惟事紡績歿年七十四

馬氏唐殿章妻殿章歿氏年二十五孀居矢志凡三十二  
年

雷氏縣學生胡光被妻光被歿氏年二十六矢志不渝孝



舅姑撫孤子敬業茹荼集蓼前後幾四十年敬業縣學生  
壽氏安莊沈京西繼妻京西歿無子撫姪爲嗣歿年五十  
有一

吳氏杜昌丁子錫蕃妻錫蕃歿遺二子長四歲次一歲氏  
年二十八銜哀撫孤得以成立終身不見嬉笑容每日舅  
姑前問安畢退而禮佛茹素以終其身年五十九

岑氏幼字章練塘郁寶三未婚寶三歿氏年十八守喪撫  
嗣卒年四十八

林氏辰山張灝妻年二十三寡與小姑涵奉養其姑無何  
涵亦歿先是灝父及前母俱未葬叔與弟亦先灝死氏皆

鬻居辦喪至姑歿盡哀中禮乾隆元年 旌

顧氏高涇邵格芳妻格芳歿氏年十九上侍孀姑下撫孤  
子喪葬婚娶諸大事悉於十指間任之乾隆二年 旌

王氏康熙庚戌進士王元臣女珠街鎮貢生邵承曾妻承  
曾亡家貧母老多病氏織紉以供之教遺孤讀書卒年五  
十九乾隆二年 旌

畢氏諸原儲妻娶未匝月原儲歿氏年十九守節撫姪自  
琬爲後躬自教養自琬後爲縣學生乾隆二年 旌

黃氏王在岐妻在岐歿氏撫孤成立乾隆三年 旌

龔氏北亭鄉杜彥蓁妻年二十四寡乾隆三年 旌



吳氏方爾習妻乾隆三年 旌

倪氏海隅鄉陸宏耀妻乾隆三年 旌

李氏太學生葉承訓妻承訓歿無子遺一女氏年二十八奉孀姑撫嗣子動中禮法非正事不見親戚乾隆三年 旌

趙氏白鶴江吳鎮川妻鎮川歿氏年二十五守節自矢乾隆三年 旌

陸氏北亭鄉周元聲妻年三十而寡守節撫孤乾隆三年 旌

倪氏新江鄉雷振聲妻撫三歲孤守節乾隆三年 旌

金氏華亭縣學生王鑑觀妻年二十七而寡子林詔生甫三月氏銜哀撫之事舅姑盡色養林詔長為娶婦廟見之日謂曰我未亡人今日可稍慰汝父於地下乾隆三年 旌

管氏朱旭光妻莊氏陸儀吉妻朱氏胡獻來妻雷氏潘國楠妻俱乾隆三年 旌

胡氏海隅鄉陸岐達妻年二十七守節子爾昇妻羅氏亦早寡一時稱姑婦雙節乾隆四年 旌

徐氏張祉妻乾隆四年 旌

鄧氏黃渡鎮陸國祥妻年二十而寡乾隆四年 旌



趙氏錢聖徵妻聖徵歿氏年二十有七秉節撫孤乾隆四年旌

唐氏縣學生孫鋌妾鋌死氏年二十八欲以身殉鋌父命以嫡妻子宸藻俾撫之歷五十餘年逾七十而歿乾隆四十年旌

吳氏州同岑璘繼妻陳氏縣學生陸朱雲妻黃氏陳士周妻李氏高文言妻程氏朱其容妻俱乾隆四年旌

奚氏何宗文妻乾隆五年旌

陳氏縣學生羅名世妻年二十七寡乾隆五年旌

朱氏吳孟義妻年二十九孟義歿氏撫教遺子本義後本

義亦早世又撫孫煦煦縣學生爲祖母陳請乾隆五年旌

張氏楊漢昭妻漢昭歿無子翁姑命撫幼叔友芳比長卽以氏妹妻之婚四載友芳又歿遺一子容施兩寡煢煢矢志乾隆五年旌

朱氏縣學生董世楨妻婚後一月世楨讀書蘇州尋以疾終氏年二十五撫姪椿爲嗣乾隆五年旌椿縣學生後爲陝西盩厔縣丞

王氏潘芳侯妻趙氏曹蒼石妻錢氏北亭鄉趙玉珍妻顧氏胡可章妻俱乾隆五年旌



倪氏監生呂梓妻梓歿氏年二十五二子幼撫之以守及冠相繼歿氏織紉自給以其餘資營葬乾隆六年 旌

金氏黃渡吳觀都妻乾隆六年 旌

朱氏北亭鄉周洪道妻沈氏倪吉人妻薛氏縣學生俞芝

蘭妻張氏縣學生王公三妻徐氏程天門妻徐氏倪若達

妻吳氏曹天標妻陸氏張九龍妻張氏凌舜調妻何氏朱

汝威繼妻俱乾隆六年 旌

張氏重固吳懋先妻年二十五懋先歿二子皆幼旣歿氏

闔戶自經舅姑救止之日爾欲殉吾子顧吾二人誰為奉

養二孤誰為撫育是汝一死而死吾三世也氏感動仰事

俯育先後六十餘年卒年八十六長子介維亦早歿妻邵

氏撫二女以守一門雙節乾隆六年 旌

張氏修竹鄉駱聖瑞妻年二十三聖瑞歿越五月生遺腹

子辛勤撫養迄於婚娶又為翁姑營葬歿年六十三乾隆

七年 旌

王氏胡席儒妻乾隆七年 旌

伍氏黃曙妻乾隆八年 旌

尤氏西涇灣黃騰妻年二十一守節歿年七十餘乾隆八

年 旌

滕氏修竹鄉伍次山妻乾隆八年 旌



陸氏張坤元妻年二十三而寡乾隆八年旌

孫氏金岐周妻羅氏金丕周妻何氏趙西霞妻陸氏朱良才妻俱乾隆八年旌

李氏張聖遊妻年十九孀居守節歿年七十餘乾隆九年旌

陸氏朱元妻乾隆九年旌

徐氏嚴文佩妻陸氏沈階妻俱乾隆九年旌

顧氏監生張叔韜妻年二十六而寡撫孤子玉衡成立乾隆十年旌

顧氏張玉鳴妻桂氏費致遠妻張氏施德宏妻鄔氏錢遂

岩妻俱乾隆十年旌

葉氏五庫洪童禹尚妻禹尚死遺一女氏年二十七紡織撫孤知縣李灼以松筠媿節表其廬

陳氏縣學生王子謀妻尹氏王迪人妻池氏許書存妻馮氏周思陶妻周氏張國棟妻陳氏陸維欽妻俱乾隆十二年旌

李氏趙冠垂聘妻未娶而亡氏聞請於父母欲往守弗許請奠許之遂留趙不肯歸親黨多方勸解持志益堅遂惡衣粗飯寒機軋軋雖炊煙不繼淡如也歿年七十有一乾隆十二年旌



許氏舉人許治杰女府學生張錫爵妻錫爵病遭父喪內外事氏皆任之逾月錫爵亡遺一子二女氏撫養至於婚嫁動作必依禮法歿年五十有四乾隆十三年 旌

李氏黃德裕妻年二十四守節乾隆十三年 旌

陳氏陳仲偉妻年二十七撫孤守志乾隆十三年 旌

汪氏沈訓妻顧氏王才煥妻王氏錢彙曾妻俱乾隆十三年 旌

徐氏監生邵景曾妻年二十八而寡事姑盡孝撫二子教之讀書長琰縣學廩生次瑗縣學生乾隆十三年布政司使辰垣表其廬曰閨閣完人

黃氏佘山滕清遠聘妻清遠亡氏年二十二聞訃欲以身殉父母許奔喪守節乃歸滕氏乾隆十三年知縣萬方極表其廬

吳氏徐本培妻本培有怔忡疾婚後二十七日而亡氏欲從死恐重傷舅姑心勉承家事凡十餘年翁歿力營喪葬撫諸幼叔如子為延師婚娶旋以仲叔洪文子為後乾隆十四年 旌

李氏陳湘維妻年二十三湘維歿無子遺一女氏撫之比長贅壻終身與女相依歿年八十六乾隆十四年 旌  
包氏山灣薛維章妻乾隆十四年 旌



陸氏舉人陸榮程女王傳弓聘妻年十八傳弓歿守志不  
字事父母以孝聞待異母昆弟如同胞歿年六十有七乾  
隆十六年 旌

程氏黃渡張大燦聘妻大燦歿氏年十九誓以死守乾隆  
十七年 旌

潘氏孫思澄妻年二十一而寡無子以姪廷格爲嗣廷格  
縣學生後以母節陳請乾隆十七年 旌

瞿氏呂亦荀繼妻年二十七亦荀歿有子仁榮三歲氏撫  
之長令就傅讀書爲歲貢生乾隆十七年學政莊有恭以  
蘭芳玉潔旌其門

萬氏監生倪起莘妻年二十九起莘歿氏撫七齡子坤成  
立乾隆十七年 旌

胡氏夏士俊妻年二十五而寡遺一子三歲家貧翁姑欲  
嫁之氏曰吾命薄早喪夫幸有此兒願終身撫之翁姑不  
從夜中赴河死

郭氏葉湄妻年二十五撫孤守節子高宸後爲縣學生乾  
隆十九年學政夢麟旌其門曰竹節松心

張氏河道張有光女孫縣學生戴錫桓妻錫桓歿氏年二  
十五無子撫姪爲嗣乾隆十九年學政夢麟旌其門曰玉  
潔霜清歿年七十四



蔡氏汪士俊妻士俊亡其孤以痘殤乃以姪爲嗣年十四  
又妖再撫幼姪日宣始克成立姑老而多病氏奉湯藥八  
載無少倦歿年七十一乾隆二十一年旌

沈氏監生倪坤妻坤歿氏年二十七事姑萬氏盡孝以義  
方訓子長釗監生次照次鏗並縣學生卒年四十四乾隆  
二十三年旌

錢氏河頭村吳介玉妻介玉亡氏年二十二遺孤三歲撫  
之成人乾隆二十三年學政李因培旌其門曰勁節彌堅  
歿年七十有六

吳氏金廷桂妻廷桂亡氏年二十二無子遺一女家貧氏

依於母家舅姑繼歿宗族無肯繼者氏力紡績積餘資經  
營喪葬乾隆二十三年學政李因培以貞操訓俗額旌之  
歿年八十餘

陸氏修竹鄉徐傳巖妻年二十七傳巖歿氏上奉翁姑下  
撫嗣子乾隆二十五年學政劉墉以貞比古松榜其廬歿  
年八十九

駱氏監生沈濟博妻濟博亡氏年二十撫三歲孤綜持家  
政俱有條理乾隆二十四年學政李因培以節堅心苦旌  
其門歿年六十六

葉氏監生胡綏萬妻年二十六綏萬歿撫五齡子文煒教



以讀書爲縣學生娶婦諸氏文煒又亡姑婦共撫孤孫伶  
仃相守歿年七十二乾隆二十四年學政李因培旌其廬  
曰慈訓冰心

胡氏徐子望聘妻未娶子望亡氏往視殮遂留守節事舅  
姑勤紡織以佐甘旨越二年以姪爲嗣翁姑歿竭力營葬  
卽以夫耐焉乾隆二十四年 旌

吳氏白鶴江農家女張渭南妻事姑孝姑故嫠也長子又  
騫出家爲道士渭南體素弱氏代綜家事乾隆二十八年  
生子寶甫三月渭南疾革自度不起謂母曰兒死獨苦母  
耳氏聞泣謂姑曰夫疑兒不能守志請先泉下姑勿自苦

伯雖出家尚能膳姑也翌日隣人出汲見尸浮水面驚告  
其姑而渭南適亦氣絕矣鄉里哀之

陳氏岑涇張丕顯妻丕顯早卒子女尚幼氏悲慟不欲生  
父端植諭止之未半載忽投繯死

俞氏吳家脩妻年二十六而寡無子撫姪爲嗣守節二十  
七年乾隆二十九年 旌

陸氏蔡玉山聘妻玉山歿截髮矢志旣聞夫弟生子乃歸  
蔡立文彪爲後事翁姑以孝聞後以積哀成疾卒

熊氏石谿徐純良聘妻純良歿氏年十五慟哭奔喪請立  
後茹素衣縞依父母以居病亟謂徐氏曰吾命薄致夫早



亡生不成婚死當同穴既歿二十餘年徐氏始迎柩與純  
良合葬於祖塋

鄒氏薛朝宗聘妻夫歿奔喪事姑潘氏苦守盡歡胞妹適  
叔卜枚叔又早世妯娌二人孤燈合績撫嗣成立里稱一  
門貞節

陳氏小字龍姑乾隆三十年氏年十八父洪範誅字周氏  
甫聞名而周歿氏聞訃泣不欲生叔母諭之曰見卽欲行  
汝志奈母老家貧賴汝紡績度日何因卽收淚強起自此  
辛勤女紅經歲不一窺戶牖逾年奈村趙某慕女賢使媒  
通聘氏佯爲不知語其叔母曰見篋中刺繡可分給小妹

及明視之則自縊矣年二十有一

金氏監生李宏業妻乾隆三十二年 旌

王氏通波塘李廷輔妻廷輔歿無子撫姪爲嗣不久又歿  
氏撫嗣孫壽林長成婚娶乾隆三十一年學政曹秀先榜  
其廬曰貞節維風

陶氏修竹鄉姚永昌妻年二十一而寡守節凡四十二年  
黃氏山灣薛維榮妻維榮歿妻年二十三守節四十餘年  
乾隆三十三年學政曹秀先以貞節延嗣旌其門

顧氏修竹鄉蔣鳳楨妻年十九鳳楨病卒生一子甫四月  
氏日夜紡績撫遺孤姑得疾苦麻冷氏日以手抑搔夜則



以身貼熨四月而愈又七年姑歿喪葬中禮子年十九娶婦後亦夭遺腹生孫文英甫二歲英又失母氏撫孫如撫孤歿年八十三乾隆三十七年 旌

蔣氏萬斯銓妻乾隆三十七年 旌

張氏葉慎行妻慎行歿無子撫姪爲嗣伯兄本宦山安卒於任以河工核減家產入官氏代贖房舍并撫其孤親黨有貧乏者恒周給之歿年七十七乾隆三十八年 旌

姜氏方獻廷聘妻自幼無疾言遽色不輕出見親黨夫歿後因翁病過門奉藥之餘事姑唯謹家貧不給能以菽水承歡翁姑歿喪葬周至平日嫻書算家政楚楚撫幼叔然

達如子叔長完姻生姪名槐教以知文卽立爲嗣年七十而歿乾隆四十年 旌

王氏龔樹勤妻年二十四撫孤矢節乾隆四十年 旌

沈氏幼字修竹鄉張志學志學病翁姑謀娶婦爲門戶計嫁未三月志學死拊棺哀慟欲以身殉舅姑屢諭慰之乃止姑患咯血氏割臂肉作羹進之病竟已後夫弟生子鎬氏撫爲己子暑月患痘危甚用醫者言抱兒卧地以手承之歷五六晝夜得不死而氏臂已中毒患癰成廢疾矣乾隆四十三年 旌歿年四十五

邱氏管浦凌霄妻年二十七霄歿撫嗣子光辰及壯而死



又撫孫源成立爲縣學生歿年七十有二知縣褚啟宗榜  
其居曰潔映冰霜

王氏金澤周叔備妻年二十嫠居守節知縣褚啟宗以耿  
志栢舟旌其門

陸氏惠潮道振芬曾孫女福泉縣學生吳繼光妻婚半載  
繼光歿無子歸依母氏居母故嫠也家貧茹苦垂二十年  
母歿依繼叔居與其妯分操井日歿年七十有二

潘氏福泉縣學生孫金吾妻金吾暴亡距成婚時僅四十  
日耳氏年二十二孀居矢節歷四十餘年而卒

黃氏蘆墟張魯美妻金澤黃芝田女年二十六魯美歿遺

腹生男事老姑撫孤子備著勞瘁姑歿又依母家居歿年  
七十

周氏趙屯浦陳赤文妻年二十六孀居歿年七十餘歲

顧氏兆奇浜陳廷章妻年二十三孀居撫遺腹子成立歿  
年七十

雷氏雷威遠女年十七適陳元輝夫早亡遺子女各一氏  
歸母家守節紡績以葬舅姑撫孤成人父母無後氏爲立  
嗣家產悉歸之歿年六十有二

葉氏縣學生李長芬側室生一子未期長芬病亡嫡亦旋  
歿氏年二十八矢志守節撫育遺孤歿年六十有九徐恕



表其廬有九天雨露生當告百歲冰霜死自知之句

陳氏修竹鄉池樹賢妻年二十六守節

林氏吳佩士妻年二十九守節

陶氏珠街鎮岑兆麟妻年二十八撫孤守節

陳氏天寧庄朱鶴山妻年二十撫嗣子守節

鍾氏倪士升妻年二十一守節

趙氏邢村俞樂山妻年二十七撫嗣子守節

孫氏縣學生唐時敘妻年二十一守節歿年六十三

唐氏姚瑞彥妻

姚氏宋又璘妻年二十五守節

王氏蟠龍塘趙鈞妻年二十五撫五月孤守節

夏氏朱耀章妻年二十九守節撫孤後爲子娶婦已生孫

矣未幾子夭孫亦殤氏營葬翁姑并葬夫與子自封生壙

後一年以哀痛歿年六十九

顧氏縣學生王得英妻年二十六守節歿年五十餘嗣子

鴻縣學生

吳氏張鎮西妻鎮西病亡氏年二十二遺孤七月氏撫之

成立爲娶婦舉三孫始歿

孫氏小蒸曹承勳妻年二十二守節

夏氏城西吳漢臣妻年二十撫遺腹子守節



葉氏白鶴江顧文瀨妻年二十五守節無子歿年六十二  
諸氏張益仁妻年二十一益仁亡家貧無依依母家居以  
十指自給積餘資營葬翁姑歿年五十八

薛氏崑山陸孚若妻年二十一歸孚若半載而寡長齋奉  
佛矢志冰霜晚居泰來橋之會貞菴歿年六十一

朱氏宋斗文妻年二十八撫二子孀居歷三十餘年歿年  
六十

劉氏鍾家亭顧湧思妻年二十六湧思亡無子遺一女後  
適陳源源早世女亦旋死氏焚獨無依以歿年五十有七  
金氏珠街鎮姜元音妻年二十三無遺嬰守節事姑盡孝

歿年五十八

瞿氏福泉縣學生趙鉦妻鉦亡氏年二十七無子遺二女  
事翁姑盡孝歿後經營喪葬無缺禮嗣子鴻教養成立二  
女俱擇配士族

陸氏唐源發妻年二十九守節無子依母家以居歿年六  
十四

陸氏瞿拱辰妻年二十六守節撫孤歿年五十九

莊氏謝莊陸燕貽妻年二十一撫三月子成立歿年五十  
有六

沈氏縣學生顧文源妻年二十五守節歿年五十七



張氏李恪亭妻年二十六守節

邵氏五庫洪王廷佐妻年二十七撫二齡孤子念生成立後念生夭又撫七歲孫涵歿年五十四

程氏蔡欽軾妻年二十六子洪謨生十月氏守節二十年  
俞氏梅坤成妻坤成歿氏年二十六姑以貧不欲其終守氏矢志益堅以十指自給撫孤士林成人歿年五十有五  
陳氏河涇顧鳴周妻年二十五撫七齡孤子成立歿年五十有五

陳氏許周智妻年二十五守節歿年四十有九

姚氏黃渡吳濬學妻年二十五守節歿年四十九

楊氏縣學生吳見龍妻年二十六撫嗣子守節歿年四十  
六

蔡氏章堰洪世潤妻年二十九撫一女及遺腹男以守婚  
嫁既畢旋遭疾卒年五十三

高氏廩生曹爾謹妻年二十三守節無子家貧以紡織自  
食親黨或周之堅不受晚節尤甚至無以舉火歿年六十  
有七

何氏婁縣人父亡母誓守志以紡紝自食女幼操作佐之  
以孝聞旋許字里中朱應魁未成婚應魁歿女知之哭請  
於母往視其喪既殯請留奉翁姑母不許翁姑亦拒之女



却飲食乘間自經里中人買地於西侖古沐堂側葬其夫以烈女附焉

江氏金澤許凌青聘妻凌青暴亡氏年十七聞訃慟哭欲奔喪父母憐其年幼阻之氏翼日登樓櫛沐更素衣投繯死與夫同日殯殮里中驚歎許因迎柩合葬焉

孫氏孫師漣女適王姓子儇薄好遊蕩氏紡績自給炊煙時斷一日夫邀氏偕往西鄉探親至中途以實告強之他適氏知不免過斜瀝橋乘間赴水死附體衣裳重重密綴蓋早慮及此也

吳氏婁縣陶某聘妻珠街鎮吳廷桂女年十六陶子夭氏

往視殮仍依父母以居

陳氏新江鄉沈子實妻

宋氏蔡魯瞻妻

俞氏陸茂功妻

張氏張繼襄女雷可賓聘妻夫以苦學早世氏過門守貞不出閨闈竟有親族罕識其面者教養嗣子成立年六十五沒

沈氏熊天培妻弱年守節事翁姑撫嗣子孝慈兩盡里奉女宗年七十三歿







